

P360/3
LUGANDA
PAPER 3
July/August 2024
3 hours



WAKISSHA JOINT MOCK EXAMINATIONS

Uganda Advanced Certificate of Education

LUGANDA

LITULICA MU LUGANDA

Olupapula olwokusatu

Essaawa ssatu (3)

EBIGOBERERWA:

- *Olupapula luno lugabanyiziddwamu ebitundu bisatu A, B, ne C*
- *Ddamu ebibuuzo bina (4) byonna awamu.*
- *Mu kitundu A kolamu ekibuuzo kimu (1)*
- *Mu kitundu B kolamu ebibuuzo bibiri (2) ekimu kya Puloozi n'ekirala kimu okuva mu bitontome.*
- *Mu kitundu C, kolamu ekibuuzo kimu (1).*

EKITUNDU A

ENGERO ENJIIYE

Kola ekibuuzo kimu kyokka mu kitundu kino.

NKATA MUSA MUTYABA: Agamyuka Omutezi

1. "Amawulire g'okutuuka kwange gaasaasaana mangu nnyo era abantu bangi ne bajja okunjozaayoza mpozzi nga n'abandi baali bazze okwerabira ku munnamawulire ekyetere eyali afuuse mmo mu kulwanirira eddembe ly'obuntu n'okussa gavumenti ku bunkenke".
 - (i) Ani ayogera ebigambo ebyo era wa eyo gye yali amaze okutuuka? (Obubonero 02)
 - (ii) Bikelwa ki eby'ekko omuwandiisi by'ayagadde tumanye mu ssuula omuggyiddwa ebigambo ebyo? (Obubonero 13)
 - (iii) Nyonyola eby'okuyiga ebitali bimu omusomi by'aggya mu ssuula eno. (Obubonero 10)
2. "Yalina ekkomagirowe lye awaka ng'abanguliramu n'abaana abalala ab'okukyalo. Ffe oluusi abalenzi beeyayawulangamu abamu n'ebalunda ente ate abalala nga babiri ne bamubeera mu kkomagirowe".
 - (i) Omuntu ayogerwako mu katundu ako waggulu atuukiriza atya obuvunaanyizibwa bwe? (Obubonero 07)
 - (ii) Omuwandiisi ayolesezza atya obukugu mu kuwandiika essuula omuggyiddwa akatundu ako? (Obubonero 07)
 - (iii) Kusoomoozebwa nabaki omunyumya kwatuisibwako mu lugero. (Obubonero 11)

SSEMWANGA BANTUBALAMU: Gw'olulambuza

3. "Sweetie nga nkuyoya ng'emmere buli lwe nkulabako ekimunya, mukwano nkufa bulala. Kyokka kyana"ggwe, olaba okira ne bbata asiigibwa ku mugaati...."
 - (i) Ebigambo ebyo bisimbuddwa mu ssuula ki ey'olugero? (Obubonero 02)
 - (ii) Ani awandiika akabaluwa ako era akawandiikira ani? (Obubonero 03)
 - (iii) Obulungi bw'omuwandiikirwa bweyolese butya mu lugero? (Obubonero 06)
 - (iv) Omuwandiisi yagenderera ki okututeera essuula omuggyiddwa ebigambo ebyo mu lugero lwe. (Obubonero 14)
4. Omuwandiisi alabafuubanye atya okuzimba amakulu g'olugero Gw'olulambuza y'alusalako? (Obubonero 25)

EKITUNDU B
PULOOZI N'EBITONTOME

5. Soma ekitundu kino n'oluvannyuma oddemu ebibuuzo ku nkomerero yaakyo.

ABAKYALA TWESSEEMU EKITIIBWA

Omuzadde omukyala ye muntu ow'ekitiibwa kye ssiiyinda kugerageranya ku kitiibwa ky'abantu abalala bonna. Awo nno bamaama musaanye okweyisa mu ngeri essukulumye ku bantu abalala kubanga bwe mutewa kitiibwa muba muweebuula ensi yaffe yonna anti mmwe basomesa abasooka okuyigiriza buli muntu. Abaana balina kulabira ku mmwe mu bintu ebisinga. Mu kaco kano twebuuzaba abana banaabalabirako batya nga mugenda mweweebuula?

Ekitiibwa ky'omukyala kirabikira mu bintu bingi nnyo naye kannokoleyo bino wammanga; enjogera ey'obuntubulamu erabikira mu kwozeza essimbo so si kusii kubanga okwogera ng'asiira kiraga obutali bugunjufu. Omuntumulamu ng'ayogera takaayuka wadde okwogera eby'obuwemu. Mu nsangi zino enjogera okyuse nnyo mu bakyala bangi boogera mu ngeri etaweesa kitiibwa. Okugeza eyeboggo oba okukaayukira gw'oyogera naye kino si kya buntubulamu n'akatono wabula kiswa buswaza oyo akikola.

Mu maka agamu abazadde banukulagana mu ngeri ya kuboggoka ne wabulawo awa munne ekitiibwa si mukyala mwami mmh! Wano we neebuuliza abana baffe be tuzaala banaayiga batya enjogera y'omu bantu? Nga nammwe mwennyini temumanyi kwogera mu bantu ye nno mmwe abawala abanoonya abasajja ani anaabawasa nga muboggoka mutyo? Bwe mutyo bwe munnaakaayukiranga babbammwe? Mpozzi munaanyikira kweranga mu mpapula z'amawulire.

Kya nnaku era kyewuunyisa bw'oba otambuddeko mu takisi oba ng'oyimiridde ku nguudo mu bibuga, oba ng'oli mu kifo awakunjanidde abantu nga mu lumbe, embaga, Owulira abakyala bwe bamokkola agagambo aganene agatandiyise mu kamwa. Awulira ggwe oswala bo nga tebafaayo. Mulimba nnyo nammwe mutuswaza nsaba mukyuseeko.

Kanzire ate ku ludda olw'ennyambala. Nazzikuno ng'omukyala ayambala bulungi ggwe wamma n'anana. Naye mu nsangi zino abakyala abamu ennyambala gye mwambalamu teggyaayo kitiibwa kyanammwe wabula ekiyiwa buyiyi. Muyitiridde okukopperera ennyambala eva mu nsi endala nga mugiyita ey'omulembe ate nga ebimu temumanyi na kyebitegeeza. So ate mwerabira nti nannyini kiggwa yakiweebuula. Mumaze okwambala mutyo munaafuna mutya ekitiibwa mu baana bammwe n'abantu ababalaba?

Bamaama mwambale ebyambalo ebibaweesa ekitiibwa, mwambale ebyambalo ebibuna omubiri muleke kutulimba nti mwambala mulembe. Waliyo eby'omulembe naye nga bibuna bulungi omubiri era ebiweesa ekitiibwa. Bwe muba mulonda eby'omulembe temulonda biweebula mulonde ebiweesa ekitiibwa. Nga mugenda ku masomero mwambale engoye ezisaanye ne mutesittaza baana nabasomesa. Ennyambala eeyesittaza eyinza okuba nga y'emu ku nsonga ezireettedde obuseegu okweyongerera mu nsi yaffe.

Kyabuwangwa bwaffe abakazi Abaganda ne mu mawanga amalala gona wano mu Yuganda omukazi okwambala ekyambalo ekibuna omubiri. Kino nno nga kyoleka ekitiibwa ky'ensi yaffe kati mmwe abambala mutyo mufuuse kaasa, ekitegeeza nti muvudde ku mugendo, Omukyala omufumbo

Bikkula

bw'oyambala obulungi ofuna ekitiibwa ewa balo ate naye omuweesa ekitiibwa. Jjukira nti n'ab'ewammwe obaweesa ekitiibwa. Mmwe abawala njagala mumanye nti ensiba mbi edibya mutere.

Ggwe ate ayambala enkunamyo ani anaakuwasa? Tojja kufuna muntumulamu akuwasa era banno ab'engeri eyo be bannaakuwasa oluusi n'obutafuna so nno ate nammwe abannoonya emirimo ennyambala etali ya buvunnaanyizibwa ejja kubamisa emirimo mpozzi munaakola mu bibanda anti ebyo gye byambalirwa. Awo nno bamaama tugenderere bye twambala (kisimbuddwa mu ntanda ya Buganda)

Ebibuuzo

- (i) Omunyumya alina ndowooza ki ku kyayogerako? (Obubonero 05)
- (ii) Obuyiia bwomuwindiisi bweyolekedde butya mu kitundu kino? (Obubonero 05)
- (iii) Nyonyola ebifaananyi ebyeyolekedde mu kitundu kino. (Obubonero 05)
- (iv) Omunyumya ayolesezza atya obukugu bwe mu nkozesa y'olulimi? (Obubonero 05)
- (v) Nyonyola amakulu g'ebigambo bino nga bwe bikozeeddwa
 - (a) Enkunamyo
 - (b) Eeyesittaza
 - (c) Bammokkola
 - (d) Okukaayukira
 - (e) Muweebuula

(Obubonero 05)

EBITONTOME

Ddamu ekibuuzo kimu kyokka ng'okiggya mu nnamba 6, 7, 8 oba 9

KIZZA MUKASA: *Omulvammere Kkoyi*

6. Soma ekitontome kino wammanga n'oluvannyuma oddemu ebibuuzo ku nkomerero yaakyo.

BAMULEKWA

1. Ensi y'aboffe Uganda eno,
Ejjudde abaana abaalekwa,
Bamu balinawo ba maama,
N'abandi abalala ba taata,
Naye ate waliwo n'enfuuzi,
Ng'ababazaala baasomoka!
2. Mbayise lumu bamulekwa,
Kwanguyirwa kubirombojja,
Ebikulu bye ndabye mu abo,
Bwobasanga e Kyabadaaza,
Bwe beeyisa e Nneenyodde,
Bangi ne baba ng'abaateesa!

3. Banno Abalyammere, bazibu,
Bazadde nga baakuumye abo,
Olwo ne bayita bamulekwa,
Ne batandika kubawembejja,
Anti bwe lunaaziba olw'enkya,
Nga bannaffe bakyajjukirwa!
4. Bye balekedde bamulekwa,
Abalyammere babyeddize,
Ebyabwe bye babanja era,
Mpaawo abibakombyako so,
Nebabeera mu kwenyamira,
Ku makya ate eggulo misana!
5. Bamulekwa badooba nnyo abo,
Abamu nno okusoma mpaawo,
Kye bambala kya kwezooba,
Akookulya ko ne kabeesamba,
Ng'abagenzi baalina ebyabwe,
Abalyammere ne babyefunza!
6. Bamulekwa abamu baajunibwa,
Naye abamu bo empisa mpewufu,
Bwe babatuma okukola emirimu,
Baba mu kwekubagiza entakera,
Abazaala abange bakuuna dda!
7. Bannange mwe beeyisa ng'abo,
Kintu kimu kyokka kye mbasaba,
Mufeeyo nnyo ku bababeezaawo,
Kubanga ffena eryo lye ggendo,
Olunaku lujja kukya olw'enkya,
Tusimbe naffe mu kisinde ekyo!

Ebibuuzo

- (i) Nyonyola ku musono gw'olulimi gw'amirundi esatu (3) omuwandiisi gwe yeeyambisizza mu kitontome kino. (Obubonero 06)
- (ii) Nyonyola ku bukulu bw'obubonero obweyambisiddwa mu kitontome kino. (Obubonero 05)
- (iii) Sitanza zizimbiddwa zitya mu kitontome kino? (Obubonero 04)
- (iv) Obunyuvu bw'ekitontome kino bweyolese butya? (Obubonero 06)
- (v) Sitanza ennya ezisembayo zisengekeddwa zitya? (Obubonero 04)

7. Kizza Mukasa atwalibwa okubeera omukugu mu buyiia bw'ebitontome . Kino kyeyolese kitya mu bitontome bye ebiri mu katabo Omulyammere Kkoyi?
(Obubonero 25)

HUGO. E. SSEMATIMBA: Abooluganda Ab'Enda Emu

8. Soma ekitontome kino n'oluvannyuma oddemu ebibuuzo ku nkomerero yaakyo.

TAATA NE MAAMA

Maama ne taata abasuffu
Ndibawa ki eky'omuwendo
Okubooлека essanyu n'omukwano?
Ebintu eby'okunsi ebye kiseera,
Ndaba ng'omutali eby'osaago
Okwagala kwe mpulira nkwogereko ntya?
Laba ebigambo bye nninawo byaluzunzo
Tebiyinza kulombojjebwa mu butuufu
Bye mpulira muli era bye ndowooza.

Munzikirize mbeebaze mmwe
Maama ne Taata abatiibwa
Okuva lwe nazaalwa
Mwandera ng'ekyomuwendo
Ne muwembejja nze omukaabi
Ne mwetawula bulwadde
Ne mwemalako n'obusente
Siraba kye mwanjagalakonze!
Nze eyali omuzibu ntyo!

Ndi gawuukula wa nze
Amasengere ng'olulimi oluwoomu?
Mu ssassa lyangeriki eryo
Mwe ndifuukira omuweesi
Ow'ebigambo ebituufu?
Ntereerezemu bye ndowooza
Bibe bya makulu
Ebiggumivu eby'ekitiibwa
Ebirungi okwagala n'omukwano
Mubisoko ebyoleka ekyo
Kyennyini kyendowooza
Biryoke bibagyemu mmwe
Be njagala ennyo bwe ntyo.

Maama nnyabo omulungi
Neebaza ebbeere lyo erya nnyonsa
Emmere ennungi gye wandiisa
Emikono gyo egyansitula
Omugongo omugonvu ogw'ekitalo
Mwe neebakanga ngambwegedde
Nga ndibulungi nncetaaya.

Neebaza nnyo ebyankolerwa
 Ng'omwo mwemuli okunsomesa
 Okungunjula n'okummulisa
 Okumpagira n'okundabula
 Okummanyisa ebisaanidde
 N'empisa ez'obuntu
 Ne nkula nga n'esobola
 Mu bulamu n'emirimu

Taata ne maama abalungi
 Nnina bingi eby'okutenda
 Naye olw'ebigambo eby'omuswaba
 Sirina ngeri ki ey'okubyanja
 N'okwebaza kunnemye nze
 Wabula olw'okwagala n'omukwano
 Munsonyiwe ebyo ebikyamu.

Ssebo ne Nnyabo abazadde
 Mwanjagala okuva mu buto bwange
 Ne bwenakula temwasalako
 Kati nabavaako neeyawula
 Ne nfunu maka gange
 Kyokka olujegere lwe mwawunda
 Olw'omukwano ogw'omunda
 Lugumu terwenyeenya
 Kino ndifa nga nkwewuunya
 Mwebale nnyo mwebalege.

EBIBUZO

- (i) Omuwandiisi atutuusizza atya ku lunyiriri olugamba nti mwebale nnyo mwebalege? (Obubonero 07)
 - (ii) Nyonyola ebintu eby'enjawulo omuwandiisi byakozesezza okuzimba ekitontome kino? (Obubonero 06)
 - (iii) Omutontomi atonze atya amaloboozi mu kitontome kino? (Obubonero 04)
 - (iv) Bw'osoma ekitontome kino kikussa mu mbeera ki era lwaki? (Obubonero 04)
 - (v) Nyonyola amakulu g'ebigambo bino nga bwe bikozezeddwa mu kitontome. (Obubonero 04)
 - (a) amasengere
 - (b) omuswaba
 - (c) olujegere
 - (d) mbwegedde
9. Hugo Ssematimba bintu ki byagenderera okutumanyisa mu kitabo kye Abooluganda ab'enda Emu? (Obubonero 25)

EKITUNDU C: EMIZANNYO

Ddamu ekibuuzo kimu kyokka ng'okiggya mu nnamba 10, 11, 12, oba 13

WAALABYEKI MAGOBA: Namulanda

10. “(...baba bagenda okugwanjajana mu bifuba n'aboggola kale vva ogwo musota ate nga bajjajja baakulabula dda nti akabi kaliva gyoli ng'atta n'omusota omukago)”
- (i) Ani ayogera ebigambo ebyo era ani oyo gw'ayita omusota?(Obubonero 03)
 - (ii) Baani abo abaali bagenda okugwanjajana mu bifuba? (Obubonero 02)
 - (iii) Ebigambo ebyo bisimbuddwa mu kitundu ki eky'omuzannyo? (Obubonero 02)
 - (iv) Kiki ekivirako omwozezi okwogera ebigambo ebyo? (Obubonero 04)
 - (v) Bikolwa ki ebitali bya buntubulamu ebikolebwa oyo ayogera wako ebimutuusa n'okumuyita omusota? (Obubonero 14)
11. Namulanda muzannyo oguwedde emirimu. Weesigame ku muzannyo guko ottaanye endowooza eyo. (Obubonero 25)

MIREMBE MERCY N: Ssemitego Omuyizzi Kkungwa

12. Bw'omala okulaba omuzannyo Ssemitego Omuyizzi Kkungwa tolema ku kwata ku ttama. Bintu ki ebiyinda okuvirako omulabi w'omuzannyo okukwata ku ttama? (Obubonero 25)
13. Ssemitego (Avumbagira Nnaalongo n'amulwanyisa yogaayoga ku ttaka) Mbikooye ka nkikole leero n'fune emirembe. (asibira emikono gya Nnaalongo n'omugwa guli ka kakwitsi kaboggola ebitooogerekeka nga kagezaako okuluma Ssemitego naye akalabira olusambaggere ne kafuluma nga kajaajala) Nnaalongo (akaaba ng'atidde era nga gamwesibye) woowe Ssaalongo tonzita. Nkukoze ki munnange! (wano kakwitsi we kakomerawo ne kalwanyisa Ssemitego nga kagezaako okutaasa Nnaalongo Ssemitego asigala akasamba era kaboggolera Ssemitego nga kakaali nnyo)
- (i) Ebigambo ebyo biggyiddwa wa mu muzannyo Ssemitego? (Obubonero 02)
 - (ii) Mirembe nnabaki omwozezi asooka gy'asubira okufuna? (Obubonero 07)
 - (iii) Laga engeri amaziga ga Nnaalongo g'akaaba gye gaayongeramu embeera ya Ssemitego okwonoonekera ddala oluvannyuma lw'okumutta. (Obubonero 10)
 - (iv) Ng'ogyeko omuntu, bintu ki ebirala eby'obulabe eri obulamu bw'omuntu mu muzannyo Ssemitego? (Obubonero 06)

BIKOMYE WANO